

AVP tumando stapnan pa cambia e structura di dependencia for di fondonan priva

Veredicto Ibis ta pone cu institutonan politico mester haci un analisis ariba e manera con partidonan politico ta opera

ORANJESTAD (AAN): Mike Eman, durante e rueda di prensa di partido AVP a elabora riba dos rapport cu a sali recientemente unda cu Banco Central y Oficina di Estadistica ta confirma cu economia di Aruba ta den un deterioro grandi. Segun palabranan di Eman, costo di bida ta saliendo for di control y cu efectonan relata na otro door di e reduccion di e poder di compra locual ta conduciendo cu Aruba a cay den un recesion severo.

El a sigui bisa cu diasabra tambe el e duna e prome reaccion di e veredicto di parti di Partido AVP y di su mes persona como lider di partido y como prome minister di e gobierno di cual su colega Paul Croes tabata



forma parti.

E veredicto aki sacudi comunidad mirando e gravedad y e peso di e veredicto. E veredicto aki ta pone cu

ñala.

"Nos ta expresa awe atrobe nos palabranan di convivencia cu famia di Paul Croes,

henter comunidad y institutonan politico tin di haci un analisis profundo di con partidonan politico ta opera. Mester check kico ta e vulnerabilidadnan cu tin den e sistema actual di financiamiento di partidonan politico, Eman a se-

su señora, su yiunan, su rumannan, su mama, personanan cu ta stim'e (...) pasobra esaki sigur sigur ta un caso sumamente penoso", Mike Eman a expresa.

Algo cu ta keda resalta, a bisa, ta cu e sistema cu partidonan politico ta depende hopi di donacionnan di instancianan particular na Aruba ta pone cu partidonan politico, gobernantenan den un vulnerabilidad hopi grandi.

Eman a agrega cu realidad y percepcion ta pisa hopi pasobra credibilidad di institutonan di gobierno y di gobernantenan no solamente ta basa ariba realidad, pero basa tambe ariba percepcion.

"Cada un persona cu a asumi un responsabilidad den gobernacion of den politica tin cu realiza cu tur nos actuacionnan ta duna un imagen, ta duna un cierto indicacion di con nos ta asumi e responsabilidad y e postura cu nos ta tuma den un periodo cu nos ta dirigi nos pais y cu nos ta carga responsabilidad. Y den esey, tanto locual nos ta haci cu hecho pero tambe cu percepcionnan ta cosnan cu nos tin cu considera hopi importante pa mantene e integridad

y e obhetividad tambe cu nos comunidad ta spera for di decisionnan cu ta wordo tuma door di gobernantenan (...)", e ex prome minister a manifesta.

Eman a duna di conoce cu Partido AVP, relaciona cu e situacion aki a reuni y dicidi di cambia e structura di dependencia for di fondonan cu ta bin for di sector priva. No ta algo facil, a remarca. Den pasado a experencia, pa motivonan di e costonan haltu, cu lo elimina ponnemento di borchu den tur cura.

Esaki ta gastonan enorme, a bisa y a limita nan mes na banderanan cu na ponemento di borchu.

Pero ta mira cu si otro partidonan ta sigui den e direccion aki logicamente lo bin un tipo di competencia inhusto. Sinembargo, tin biaha tin cu tuma e stapnan aki aunke e competencia lo bira inhusto.

"Mi ta kere cu e integridad, e confianza cu e pueblo mester tin den su institutonan politico y e gobernantenan, su dirigentenan politico ta pisa hopi mas cu kico finalmente ta e recursonan cu bo tin pa por trece bo mensahe", Mike Eman a indica.